



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

25 Examinatores occasione examinis nihil accipere possunt, alioquin
simoniae crimen committunt.

urn:nbn:de:hbz:466:1-10316

- 19 *Et qua. Et cap. 4. de reform. sess. 22.* Beneficia regularia ¶ Episcopi conferre non possunt, quia regularia regularibus, & secularia secularibus sunt conferenda, *cap. cum causam, de elect. cap. cum de beneficio, de preb. in 6. Et cap. 10. de reform. sess. 14. etiam si clericis secularibus solita sint commendari, cap. 21. de reg. Et mon. sess. 25.* quod tamen raro, & maxima cum difficultate in curia conceditur, quod beneficia commendata ad regularitatem in titulum reducuntur.
- 20 Circa canonicatus ¶ in collegiata, si ordinem sacrum annexum habeant, ut de canonicatibus, & dignitatibus in cathedrali, est providendum, quare, si collatio sit facta minori, est nulla *Put. decis. 338. num. 3. Et 4. lib. 1.* In his autem, qui nullum ordinem sacrum annexum habent, quia de jure communi regulariter sufficiebat ætas quatuordecim annorum, etiam in cathedrali, & in collegiata, decem, *gloss. in c. si eo tempore, in verb. etatem, de rescript. in 6. Et in c. ex eod. in verb. in tua, de elect. eod. lib. Felyn. in cap. ex insinuatione. numer. 1. de si mon. Et Staph. de grat. expect. §. nona forma, num. 26.* de illis, uti de beneficijs simplicibus est judicandum, & sufficit ætas 14 annorum, quæ in simplicibus est limitata, *ut c. 6. de res. sess. 34.* cum circa canonicatus ¶ in collegiatis nihil fuerit per sacrum concilium immutatum, adeo quod à juris communis dispositione, in reliquis non est recedendum, ut fuit à Papa Gregor. xij. declaratum, & restatur sacra congregatio concilij *ut in decis. mihi sub numer. 837. Et in alia super d. cap. 12. de reform. sess. 24. sub tit. Tarraçinen.*
- 21 In legibus enim ¶ correctoriis non est licita extensio, *gloss. 2. in auth. quas actio-*
- nis, in verb. excluduntur, vers. item, an idem in civitate, & ibi Bart. n. 9. C. de sac. sanct. eccles. & gloss. in c. indemnitate, §. ceterum, in verb. confirmetur, in fin. de elect. in 6.* Quod tamen limitatur, nisi canonicatus in collegiata ordinem sacrum annexum habeat, quia tunc requiritur ætas, quam ordo requirit ex supra deductis.
- 22 Parochiales per obitum vacantes ¶ auctoritate ordinaria per concursum sunt conferendæ, quod etiam debet, quando vacant in mense Sedi Apostolicæ reservato, quo casu à Papa conferuntur, & examinandis concurrentibus ad beneficia ¶ singulis annis in diocæsana synodo Episcopus, vel ejus vicarius ad minus sex examinatores magistros, seu doctores, aut licentiatos in Theologia, vel jure canonico etiam regulares, aut qui ad id magis idonei videbuntur, ab eadem synodo approbandos, proponere debet, qui ad sancta Dei Evangelia curate tenentur, quacunque humana affectione postposita, se fideliter munus exequenturos.
- 23 Nec quidquam ¶ occasione examinis ante, vel post accipere possunt, alioquin, tam dantes, quam recipientes, simoniæ vitium incurrunt, *concil. Tridentin. cap. 18. §. examinatores, de reform. sess. 24.* si verò quotannis synodus non fiat, examinatores semel deputati munus suum debent exercere; donec synodus habeatur, *congreg. conc. super eod. cap. 17. in decis. sub. tit. Mediolanen.* Et Clemens Papa viij. decrevit, in futurum observari, quando omnes examinatores synodales intra annum eorum deputationis, mortui fuerint, nempe, ut Episcopus, ex examinatorebus antiquis synodalibus, si fuerint, subroget alios non pauciores numero sex, & si non

- extiterint tot examinatores synodales antiqui, qui ad hunc numerum ascendant, tunc eligat illos, qui vivi fuerint, ac sup-²⁹pleat alios de novo, approbatos tamen à capitulo, usque ad numeri præfati complementum: verum, si nulli antiqui synodales examinatores superstites fuerint, tunc Episcopus novus examinatores pro-³⁰bitate, ac scientia idoneos, qui à capitulo approbati sint, non pauciores, prædicto numero substituat, & veniente vacatione cujuslibet parochialis ecclesiæ, Episcopus ex prædictis examinatóribus tres eligat, qui cum eo examen juxta decretum conc. d. cap. 18. sess. 24. perficiat: officium autem ³¹omnium prædictorum examinatorum synodaliū subrogatorum expirare censetur, cum primū advenerit tempus novæ synodi juxta formam cap. 2. ead. sess. 24. celebrandæ, ut in declarationibus ejusdem sacre congreg. super eod. cap. 18. §. Clemens ²⁶viii. † & provisio parochialis facta ei, qui non fuit examinatus, & approbatus ab examinatóribus in synodo deputatis, sed ab alijs, quos Episcopus elegit, est nulla, & beneficium potest impetrari, uti reservatum per constitutionem Pij V. cap. 32. in Bullario Rom. impressam.
- ²⁷ Ecclesia parochiali vacante, † statim vicarius, seu vicarij, si per plureserit administranda, cum congrua fructuum portione, & assignatione, qui onera ipsius ecclesiæ sustineant, donec ei de rectore fuerit provisum, arbitrio Ordinarij constitui debent, eod. c. 18. paulò post princ. sess. 24. & congreg. conc. super eod. cap. in decis. tit. Aquilan. Lucen.
- ²⁸ Edictum † verò publicum, quo vocentur omnes, qui volunt examinari intra decem dies vel aliud tempus ab ordinario præscribendum, quo clerici ad regendam ecclesiam coram examinatóribus nominentur, est publicandum, † & arbitrium, quod Episcopis post dictos decem dies conceditur, ultra alios decem extendi non potest, Pius V. in conferendis, §. prohibentes const. 32.
- ³⁰ Peracto † autem examine, si ante factam collationem veniat alius, qui petat ad examen admitti, non est audiendus, idemque judicandum, si compareret elapso termino edicti. congreg. conc. super eo. cap. 18. in decis. sub. tit. Perusin. quæ incipit. peracto.
- ³¹ Ad parochiales † per concursum conferendas examen coram Episcopo, vel vicario, & examinatóribus tribus, non paucioribus, fieri debet, eo. cap. 18. sess. 24. quò peracto, qui idonei judicati fuerint, sunt Episcopo renunciandi, qui de jure communi eum eligere debet, quem examinatores magis idoneum judicaverint. c. metropolitano. 63. dist. c. Moyses. cap. sicut ergo. §. 8. qu. 1. cap. custos cum glo. in verb. sanctiores. de off. cust. auth. de monach. §. ordinatione. collat. 1. & eo. cap. 18. §. peracto. sess. 24. & Pius V. ead. const. in conferendis: & peccant ³²† eligentes bonum, qui possunt meliorem eligere, cum ad id necessariò teneantur. Arch. in d. cap. licet ergo, & Fed. de Sen. 95. numer. 1. ex mente tamen sacre congregationis, examinatores debent vota sua dare, sed Episcopus non tenetur ex collatione votorum eligere, sed potest, cui maluerit, ex approbatis, beneficium conferre, non habita ratione calculorum ipsorum votorum, postquam examinatores renunciaverint, quos judicaverint idoneos, ut per sacram congr. super eo. c. 18. in decis. sub. tit. Hierac. & sub. tit. Taruisin.